

441
DEO OPTIMO MAX.

UNI ET TRINO.

VIRGINI DEI - PARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS,
*manè discutienda, in Scholis Medicorum, die Jovis vigesimo
mensis Martii, anno Domini M. DCC. XLIX.*

M. JOANNE - CLAUDIO-ADRIANO HELVETIUS,
Regi à Sanctioribus Consiliis, Reginæ Medico Primario &
Regiæ Scientiarum Academiæ Socio, Doctore Medico, Præfide.

An abstemii carnis privationem facilius ferunt?

I.



ANAIIDUM opus, nutritio: repleri, depleri, alternæ vices: hæc lege vivimus: nec nocte, nec die ferari licet: nullæ induciæ: inscii deterimur; rescimur aliud aut nihil cogitantes: nec minùs bellè ac prosperè se res habet, ac si cogitaremus; modò rectam sequamur naturam. Vesci igitur aut mori, non datur tertium. At sunt tempora vescendi. Diviti (aiunt) quando vult; egeno quando potest.

Væ utrique nî esuriat. Signum det sola fames: tunc alimenta quæcumque, optima, si parata, si ad manum. Non idèò credam singula æquè Euchyma, Eupepta æquè, æquè concoctu facilia. Alia sunt optimi succi; non tam boni alia. quædam pravi. Respuenda nec temnenda ulla, ratione loci, tempestatibus, consuetudinis, ætatis, temperamenti, rei familiaris, ac necessitatis quâ nulla magis suprema lex: atenim non solo pane vivit homo, sed omni escâ quana illi paravit Altissimus. Sunt quæ sine apparatu possunt in nutrimentum levi operâ cedere: v. g. fructus, olera, radices, conchyilia quædam, aquea omnia: sunt obsonia quæ doctam & artificem periti coqui artem & industriam exposcunt. Nec illis invidet; cave potius, nî vis incidere in manus Medici. Qualia & quæcumque feligas, potu opus est: absque potu cœna vel opipara, res pessima. Cibi, non integri nutritii: solus succus in illis contentus alit. Diluatur necessum est, ut vasa corporis minima permeet, & ad loca detrita perveniat. Quò magis diluetur, eò felicius cedet reparatio. Indè nimis non ingere: satis pota, salubriter pota. Potus vulgò non tam multiplex quàm cibus. Utinàm unicus! Unam pro omni animâ vivente portionem, finxit aquam Naturâ, eamque in propatulo posuit. Mille invenit ac conquirit voluptas Regina. Naturæ munus aut respuitur, proh dolor! Aut alteratur. Inter potus diversos tamen nullum inesse delectum cave credas: Seli-gendus procul dubio ille cujus ministerio Eupepta æquè ac Dyspepta, optimi pariter nec tam boni succi alimenta digerentur, concoquentur, & in laudabilem chylum convertentur, imò prava, si quæ sint, emendabuntur, & tolerabilia reddentur.

A

OMNIS generis cibos, præter carnes plerorumque quadrupedum & volatiliū animantium (si pauca ea excipias quæ communem in aquis & in aëre vitam degunt) sibi vindicat carnisprivium. Sic non parva sanè familia cedit in obsonium; Radices, olera, flores, fructus, semina, cortices, caudices suppeditat regnum vegetabile. Quot quamque diversis dapibus nostras onerat menfas regnum animale? Condiendis utriusque generis esculentis non sufficeret utrumque, nisi tertium vires socias adderet & minerale. Dulcia suâ naturâ ferè omnia ac penè insulsa atque insipida singula hæc alimenta, nisi acrioribus condimentis nativam indolem amitterent, peregrinam stimulantem induerent. Indè quædam bona, jucundo potius quàm sapienti artificio aliquid de suâ bonitate deperdunt, ut pisces teneri paucio sale resperiti alia minùs bona; ut quidam pisces & volatilia nonnulla quæ oleaginosâ pinguedine redundant, acriori piperum, zingiberis, aromatumque conditione, atque aceti citrivæ stimulo austeriora facta, deteriora evadunt, atque flammæ & incendia quaquaversum portare idonea. Alii cibi pravi, pessimique succi, ut pisces cartilaginei, saliti & fumo aut sole exsiccati induratique, & naturâ & arte facti detestabiles. Edulia non desunt bona & optima quæ quamvis simplici apparatu parata, in usum tamen quotidianum nec sine fastidio nec sine sanitatis evidenti noxâ cedere queunt; qualia sunt ova gallinarum, &c. Olera pleraque plurimæque dapes nollent apponere, nisi butyro fixo cum porris, allio, cæpis, aceto, omphacio, citro, capparibus, atque cucumeribus aceto & murîâ saturatis sopitum obdormientis palati gustum suscitarent. Cerealìa tam innocua quamvis sint sine crimine vitæ, cur adeò malè audiunt? Gravia sunt, aiunt, statulenta, pauperis ac gravis succi, ut Pisum, Faba, Phaseolus, Hispanus, Nostras, Helveticus, Lens Pelusica, oryza, milium, hordeum, mays, & alia semina quæ mundata tenui cortice, cum lacte & butyro decoqui amant. Attende ad potum. Hæc omnia & cuiusvis generis alimenta quemcumque naturâ vel arte saporem obtinuerint, bona evadent meliora, minùs bona bonitatem novam adipiscuntur; prava si non bona, deteriora minùs evadent. Elige inter diversos potus qui hæc valeat procurare commoda, & habebit Abstemiū undè possit sanus & benè valens tutò irridere carnisprivii detractatores.

I I I.

PORRO habet ille Abstemiū qui puram & illimem, sevem argenteamque potat undam, undè valeat in ventriculo deteriora corrigere, & duriora facili negotio concoquere alimenta; è minùs bonis succum laudabilem elicere, ex optimis optimum chylum & inculpatum. Aquam non elementarem, (nullibi enim in rerum naturâ tantæ puritatis reperitur) sed simplicem & vulgarem, quæ ubique prostat, norunt omnes esse corpus fluidum, pellucidum, inodorum & insipidum. Partium figuram quis vidit? Anguillarem volunt quidam: soliditatem, plurimi asserunt elasticam & flexilem: duram & rigidam flectique nesciam nonnulli autumant. Quidquid sit & de figurâ & de soliditate ab effectibus constat, eas esse debere summè laves ac lubricas, & proinde mobiles atque per minima interstitia pororum corporum irreperere maximopere habiles & idoneas. Talis erit si non impuro diversarum terrarum aut mineralium connubio contaminetur. Hinc fluvialis quæ volvendo deberet fieri melior non semper omnium præstantissima; fontium quorundam sæpè præstat potus. Ab illo pluvialis si purâ nitidâque cystemâ excipiat; putealis non proferenda; deteriores habe nivales & palustres. Optimam cense quæ limpidâ est, tenuis, levissima, non dicam saporis prorsus, sed odoris planè expers,

3

quæ ventriculū non gravat; quæ citò renes permeat; quæ citò effervesceat, non minùs citò deservescit ac refrigeratur; quæ carnes, olera & legumina celeriter concoquit, & quæ smegmati intimè unitur atque permiscetur. Trisnegisti verè hujusce menstrui ope ludus erit Abstemio cerealia permolere, conchylia viva, radices incocto succo turgidas, olera virentia, pisces salitos quosdam crudos, fructus à fortiori & cætera quæcumque igne coquantur, factò laudabili chylo, in propriam convertere substantiam. Placidè ab invicem dissociabuntur partes farinææ, aër non ultrà modum rarefactus facilè evolvetur, se explicabit, nec tumultuariè, nec tandem fusdequè in flatus erumpet, citiùsque devolvuntur facies, quàm aër (qui nonnisi longiori morà totus elicitur) possit integer rarefieri. Verùm apage condimenta vino & cæpis simul permixtis, & butyro affo tostoque percocta. O dura quæ talem digerere poterunt muriam illa! Si quis tamen certare tentet, vincet Abstemius vel Sileno iudice. Non perhorrescet ille deteriora cuiusvis conditionis alimenta, si meliora non habuerit. Deque suâ securus digestionē, amicè auxiliante aquâ, cenoporis opus insuperabile aggreditur. Immersi aquâ solvantur de facili sales illi acres, alkalini fervidâ uestione redditi. Liquido prorsus insipido & dulcissimo extincti, dissociati, ac sparsim innatantes vim nativam obliviscuntur dediscuntque singuli nocere qui prius uniti numero erant & multitudine formidabiles. Alimenta enim vel propriâ peccant duritie vel crassitie succorum alibilibium quos continent, vel corruptione partium & quibus celerius quàm par est, & nimia quantitate evolvuntur sulphura & sales, & vividius evehuntur nervosamque ventriculi quam suâ subtilitate facilè penetrant substantiam laceſcunt, vellicant, irritant. Irrita hæc omnia facit aqua ferè nihil agendo. Inter tot hostes unione suâ solâ superbientes, leniter lese insinuando, singulos debilitat & sine viribus effectos reddit, unaque cùm facibus per omnia corporis incernicula foras per alvum, per vesicam, per spiracula cutis tanquàm rejectanea, præcipites deturbat. Sola pars alibilis, si quæ sit cum illis permixta, suâ mucagine retardata, ubi opus est locis detritis se applicat, & mediante aquâ de pessimo nihil retinetur alimento, extricatis partibus nocivis, nisi sola pars nutritia. Crassior si remanet eodem mediante menstruo aut nullo solvetur. Quid in rerum naturâ potentius minima subire corporum interstitia. Da moram: nihil tam durum quod sensim non emolliat aqua: nihil tam spissum quod paulatim non diluat: nihil tam prævum, si melius reddere fas est, quod non corrigat.

IV.

CONTRA quid non mali reformides à vini, siceræ, cerevisiæ, pyracæi, pomacæi, aut spirituosæ familiæ liquorum potu? Ubique eadem resonat querimonia: acoribus fervida æstuant præcordia: flatibus rumpuntur illa, tantum non mediùs crepat ventriculus, adeò ructibus & borborygmis torquetur indefessè. Tam laboriosæ digestionis reparandæ succedit vespertinis horis, ex oleribus pomisque crudis cœna brevis, siccatis sole aut furno fructibus & racemis concoctu difficillior reddita. Quidni hæc omnia effervere in ventriculo latice vinoso quocumque irrorata? Locus clausus, calidus, humidus, ventriculus: quis locus fermentandis rebus magis idoneus? Cerealia, farinacea, succo viridi & indefecato turgentes herbæ, putrescentes è facili carnes piscium; quæ substantia fermentari aptior? Acetum, omphacium, citri succus & cætera ejusdem indolis condimenta; inter hæc omnia vinum aut liquores vinosi pro potu permixti, quodnam menstruum promovendæ violentissimæ fermentationi habilius? Felices quibus tam inaudita farragine non quaquaversum exploduntur præcordia! Qui alimenta non acescerent? Perfectiori

miscelâ certiorique aliquo apparatu, posset ne promoveri ex consulto meditata fermentatio? Adde quod eo diuturnior & vividior esse debet illa fermentatio, quod aceto & vino saturata hæc alimenta & muris acribus indurata diutius evolutioni fermentationis renitentur & obstant. Eia age ergo qui non æstuant præcordia? Qui non ferveret bile jecur? Quinam fuccus inde elicietur nisi fuccus ardens, nullatenusque alibilis? Inde acres perpetui, ructus acidi, hypocondriorum tensiones, gravitates *αἰσιν* *novel*, lassitudines, hemicrania, insomnia & morborum ilias. Mitte merum: præsto sit rivuli prætereuntis aqua; sanus eris. Brevi maximum extinguet incendium: partes ignæ quibus facta omnis fermentatio immergentur; diluetur pars extractiva alimentorum quæ sola nutritia. Subsidet omnis effervescentia lenique turturâ educetur ex omni regno fuccus & alibilis & laudabilis.

V.

AT *nisi dura Deus promissit aqua potioribus?* Cave, reponet alter, ab abstemio. Vir potens in omni opere vir abstemius. Non desuerunt qui canerent hymnum aquæ, *ἀπὸ τῶν μὲν ὕδατος* verum mittamus Poëtæ & fabulas, Unde nisi è perfectâ quam procurat digestionem, pestis eximium habetur prophylacticum? Eruditam Clarissimi Geoffroy, Thesim de aquâ consule. Quiddam scævientis illius & truculenti flagelli antidotus unica? Unde Franciscanus quidam apud Meliteneses omnes fere morbos unico sed largo aquæ potu (sublato prorsus per triginta necnon & sexaginta dies omni cibo) profligare tentavit, nec sine successu? Vim aquæ in corrigendis humoribus pravi moris non ignoravit Medicus Anglus, Illustris Doctor Hancock, qui gelidam propinabat in curandis febribus tum continuis tum intermittentibus mali moris ad sudorem usque epotandam. Quin & morbillos variolasque non aliâ debellare solebat Panacæa. Elutriendis omnibus corporis vasibus, diluendis humoribus operam unicè dare partes solas Medici esse crediderunt (nec forsân immeritò) de cætero rem integram naturæ esse committendam autamarunt. Quicquid non inferemus ex hisce experimentis? Epota largo haustu valebit aqua venenata pestis miasmata obtundere! Tam diræ luis prophylacticum erit eximium! æstuant in venis febrilis fermenti paroxysmos compefceret, aut continuæ febris extinguet incendia! deleteriam variolosi tabi energiam aut tragicos morbillorum dolos deludet! Nec poterit alimenta quæ (si iniussa) in deliciis expeterentur, solvere felicique digestionem in nostram & laudabilem convertere substantiam? Quis credat? Experti centies loquimur. Experietur bonâ fide quicumque veritatis amans sibi non quæreret illudere. Non ibimus inficias quibusdam temperamentis etiam hæc arte usis nocuisse talem victus rationem. Absit ut his hunc victum præscribere mens sit, at rara firmant regulam. Est qui viso cuniculo deliquium animi patitur, pendè *ἀποχυσίας*: è conspectu tolle cuniculos; benè sit. Ergò cuniculi erunt reprobandi: absit. Erunt profectò quibus nocet carnisprivium, at rari, si quos gula delicatesiores facit exceperis,

Ergò abstemii carnis privationem facilius ferunt.

Proponebat Parisiis MARTINUS NOUGUEZ, Adurensis, è Comitatu Armeniaco, Saluberrimæ Facultatis Medicinæ Parisiensis Baccalaureus, A. R. S. H. 1749, à sextâ ad meridiem.